

Վարչական տույժ նշանակելու մասին

«20» ապրիլի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Արմեն Վլադիմիրի Աղաբաբյանի վերաբերյալ նյութերը.

Պ Ա Ր Զ Ե Ց Ի՝

2021 թվականի սեպտեմբերի 21-ին Արմեն Աղաբաբյանի կողմից թիվ 05100033/210921/0034315, 05100033/210921/0034312 և թիվ 05100033/210921/0034309 տարանցման հայտարարագրերով ՀՀ է ներմուծվել ընդհանուր՝ 3644 ԱՄՆ դոլար արժեքով 2 հատ 2001 թվականի և 1 հատ 2002 թվականի արտադրությունների ընդհանուր՝ 3 հատ <<MERCEDES-BENZ>> մակնիշնշի ավտոմեքենա, որոնք, վերոնշյալ տարանցման հայտարարագրերում նշված ժամկետում, նշանակման մաքսային մարմին՝ Հյուսիսային մաքսատուն-վարչություն չեն հասցվել: Տվյալ դեպքերով ՀՀ ՊԵԿ Հյուսիսային մաքսատուն-վարչությունում հարուցվել են վարչական վարույթներ՝ ՀՀ մաքսային օրենսգրքի 195-րդ հոդվածի հատկանիշներով:

Փաստի առթիվ ՀՀ ՊԵԿ մաքսանենգության դեմ պայքարի վարչությունում Արմեն Աղաբաբյանի նկատմամբ ՀՀ մաքսային օրենսգրքի 198-րդ հոդվածների հատկանիշներով 31.03.2022թ կազմվել են մաքսային կանոնների խախտման վերաբերյալ արձանագրություններ:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը:

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ մինչև միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 262-րդ հոդվածի 9-րդ կետերի համաձայն՝ Միության մաքսային տարածք ներմուծված անձնական օգտագործման ապրանքները Միության ապրանքների կարգավիճակ են ձեռք բերում դրանց ազատ շրջանառության համար բաց թողնելու պահից:

<<Մաքսային կարգավորման մասին>> ՀՀ օրենքի 123-րդ հոդվածի 2-րդ կետի համաձայն՝ ներմուծվող ապրանքները Հայաստանի Հանրապետության տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

<<Մաքսային կարգավորման մասին>> ՀՀ օրենքի 128-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ

հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 198-րդ հոդվածի համաձայն՝ մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի հիսուն տոկոսի չափով:

Արմեն Աղաբաբյանը ծանուցվել է գործի քննության վայրի և ժամանակի մասին, սակայն վերջինս չի ներկայացել, միջնորդություններ, առարկություններ չի ներկայացրել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

Համաձայն ՀՀ կենտրոնական բանկի պաշտոնական կայքէջի տվյալների՝ 1 ԱՄՆ դոլարի փոխարժեքը 31.03.2022թ-ի դրությամբ՝ կազմել է 485.91 ՀՀ դրամ, այսինքն՝ 3 հատ ավտոմեքենայի արժեքը ընդհանուր՝ 3644 ԱՄՆ դոլարը համարժեք է եղել 1770657 ՀՀ դրամին:

Այսպիսով, գործի նյութերով պարզվել է, որ Արմեն Աղաբաբյանը թիվ տարանցման 05100033/210921/0034315, 05100033/210921/0034312 և թիվ 05100033/210921/0034309 հայտարարագրերով ՀՀ է ներմուծել 3 հատ նույն մակնիշի տարբեր տարեթվերի ավտոմեքենա ընդհանուր՝ 1770657 ՀՀ դրամ արժեքով, որոնք մաքսային հսկողության ներքո գտնվելու ժամանակ, առանց մաքսային մարմնի թույլտվությամբ, հանձնել է այլ անձի, այսինքն՝ թույլ է տվել ՀՀ մաքսային օրենսգրքի 198-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման արձանագրություններով և թիվ 05100033/210921/0034315, 05100033/210921/0034312 և թիվ 05100033/210921/0034309 տարանցման հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 198-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝


1. Արմեն Վլադիմիրի Աղաբաբյանին (անձնագիր՝ AU 0645753) ճանաչել զանցառու ՀՀ մաքսային օրենսգրքի 198-րդ հոդվածով և նրան տուգանել թիվ 05100033/210921/0034315, 05100033/210921/0034312 և թիվ 05100033/210921/0034309 տարանցման

հայտարարագրերով ներմուծված ավտոմեքենաների մաքսային արժեքի 50 տոկոսի չափով՝ 885329 ՀՀ դրամ:

/վճարումը՝ 900005024055 հաշվեհամարին կող 19/:

2. Որոշման մասին հայտնել Ա.Աղաբաբյանին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ